

maculatus Joseph de condigno meruit paternitatem Dei.

Nos hæc sublimia, &c.

R Deo gratias.

R Merita nostri Josephi sunt merita pertinentia ad ordinem hypostaticum. \*Utpote immediate exercitata circa personam Verbi Divini. ¶ Ergo sua merita sunt aequalia Paternitati Dei; ergo meruit eam de condigno. Utpote....

### LECTIO III.

*Joseph resurrexit cum Domino resurgente et cum ipso in corpore et anima caelos ascendit.*

Quando Christus Dominus resurrexit, multa corpora sanctorum surrexerunt, et juxta plures auctores cum D. Thoma ita surrexerunt ad vitam immortalem, ut non iterum morituri essent; sed ascensuri uti factum est ad coelos cum corpore et anima. Atque hæc omnia ita facta sunt ut verum testimonium de vera Christi resurrectione proferrent cognitum enim fuit illos vere resurgere, et vivere cum Christo, quia ad coelos ascenderant corporaliter. Ratio juridica eandem veritatem demonstrat: nam beneficium imperatoris, quod a divina, scilicet, indulgentia profiscitur, quam plenissime interpretari debet; ergo noster immaculatus Joseph resurrexit cum Christo Domino resurgente, et cum ipso in corpore et anima ad coelos ascendit. Probatur etiam nostra conclusio ex facto S. Bernardini Senensis, qui, uti refert Pater Fr. Andræas de Soto, nostram conclusionem Paduæ publice prædicavit et tum super eam descendit et apparuit crux fulgentissima. Ipse Pater sic ait; Pie quidem credendum est quod piissimus Filius Dei Jesus pari privilegio decoravit suum Patrem, sicut suam

Sanctissimam Matrem; ut sicut illam assumpsit in coelum in corpore et anima gloriosam, sic etiam in die resurrectionis suae Sanctissimum Josephum secum assumpsit in coelum. Recogitet, oro, ait Gerson, pius animus si Joseph iustus putandus sit unus ex illis suscitatis in die dominicæ resurrectionis.

Nos hæc sublimia, &c.

R Deo gratias.

R Noster immaculatus Joseph Mariæ apparuerit charissimæ Sponsæ, qui eam consolatus est, \*qui, Christo in coelum ascendente, simul et ascendit glorificatus. ¶ Non dubium in anima, et certissime in corpore, ascendit in coelum. Qui, Christo....

### —DIA 17 DE MAYO.—

#### LECTIO I.

—EX DOCTORIBUS.—

Nobilissimæ paternitatis dono insignitus fuit Joseph: ergo habuit condiciones nobilissimæ paternitatis, inter quas enumeratur virginitas, quæ paternitati divinæ convenit; ergo Joseph fuit virgo; ergo pariter Joseph virginem omnino credere fas est, cui commissa fuit gubernatio et cura Dei immortalis caro facti. —*Isid. I.*—Certum est Joseph virginitatem fuisse nobiliorem, gratiorem, utiliorem, gloriosorem, ac mirabiliorem quam fuerit angelorum virginitas. —*Alb. M.*—Novum Testamentum virginitatem consecrat et supra conjugatos reponit; sed Sanctus Joseph primus est, quem Sacri Novi Testamenti pagina justum predicat; ergo rationabiliter arbitramur illum fuisse virginem. —*Isid. I.*

Nos hæc sublimia, &c.

R Deo gratias.



R Noster divinus Joseph electus fuit sicut sol.\* nullus ex filiis suis est super quem sol immaculati Josephi non luceat. ¶ Et super quem ejus misericordia non resplendat. Et. . .

## LECTIO II.

*S. Joseph sedet in caelo a dextris Jesu.*

Juxta gravissimos quidem auctores fidem habentes eximio auctori quo ordine Jesus, Maria et Joseph nominantur a D. Matheo dicenti; Mater Jesu Maria Joseph, eodem etiam sedent in coelesti gloria et Dei visionis participant nam in Scriptura aliquod habet proculdubio mysterium hic modus Sacrae Familiae nominandae, ergo noster immaculatus Joseph sedet in coelo prope Christum Dominum et immediate post Mariam in altissimo gloriae throno est collocatus, ita ut omnes alios Sanctos longe, post se relinquat. S. Bernardinus Senensis ait etiam; Sicut illa Sacra Familia, scilicet, Christus, Virgo et Joseph in laboriosa vita et amorosa gratia, simul vixerunt in terris, sic nunc in amorosa gloria corpore et anima regnant in coelis. Itemque Pater Bairadas suo tempore circa hanc veritatem agebat; Quanta autem in coelo gloria fulgeat Joseph, docet Gerson his verbis: collocatus est a dextris Jesu, hoc est, in potioribus donis suis; hac de causa in sermone de nativitate agebat; Profecto si non mentiebatur Jesus, ille proximior videtur collocandus in coelis, qui in ministerio fuit vicinior, observantior atque fidelior et post Mariam inventus in terris. Ergo nunc noster immaculatus Joseph cum B. Virgine super choros angelorum praemium accipit; ergo nullus sanctorum est in coelis sicuti noster Joseph; ergo ille est major omnibus sanctis atque etiam omnibus angelis, et solum

inferior B. Virgini Mariae; ergo nostra conclusio in Scriptura et peritissimis Ecclesiae Doctoribus constat; ergo revera noster immaculatus Joseph sedet in coelo a dextris Jesu.

Nos haec sublimia, &c.

R Deo gratias.

R Quo magis quis accedit ad lucem Jesu, magis illuminatur ab illo lumine gloria.\* Ergo in nostro Josepho magis est visio beatifica seu gloria essentialis quia magis accedit ad Jesum. ¶ Ergo sedet in coelo a dextris Jesu, et sublimiorem thronum occupat. Ergo. . .

## LECTIO III.

*S. Joseph habet in caelo speciale decoramentum virginis Patris Dei.*

Præter gloriam essentialem stantem in visione clara Dei datur in coelo aliquibus beatis alia gloria accidentalis, quæ vocatur corona aureola, ad distinctionem gloriae essentialis, quæ vocatur corona aurea. Quod ita pulchre explicat D. Thomas dicens; Quum aureola importet quandam et singularem excellentiam praemii necesse est ut praesupponat auream, sicut comparativus supponit positivum; et hoc figuratur in Exodo ubi dicitur: Facies super coronam auream alteram aureolam, id est, Virginis, Martyris, Doctoris et professi in Sacra religione. Noster immaculatus Joseph habuit quidem aureolam martyris, quæ datur patientibus persecutionem propter justitiam, et S. Joseph passus fuit persecutionem propter Christum, qui pro nobis factus est justitia, et suam ipsius animam pertransivit gladius. Habuit revera aureolam Virginis quia semper Virgo fuit, emisitque etiam virginitatis votum, quamque ad mortem usque



incolumen servavit. Meruit denique Doctoris, quia fere semper in manibus Christum portavit, eumque aliis ostenders, tum quia saepe adventum Messiae Ægyptis, anuntiavit; sed noster immaculatus Joseph habet in coelo speciale decoramentum, Virginalis Patris Dei, et sicut B. Virgo Maria habet in coelo ratione, Maternitatis Dei, speciale decoramentum, quo dignoscatur tamquam Regina omnium sanctorum; sic etiam immaculatus noster Joseph, ratione paternitatis Dei, habet etiam speciale decoramentum, quo ut Pater Dei dignoscatur, tamquam Rex sanctorum omnium. Ergo in coelo fulget super Josephi caput triplex martyr, virginis et Doctoris aureola, atque etiam specialis Patris Dei aureola.

Nos hæc sublimia, &c.

R. Deo gratias.

R. Alia claritas solis, alia lunæ et alia stellarum,\* ita ut claritas solis omnes alias claritates excedit. ¶ Noster immaculatus Joseph excedit in coelo claritatem omnium sanctorum, tum lumine gloria tum visione Dei. Ita ut. . .

—DIA 18 DE MAYO.—

LECTIO I.

—EX DOCTORIBUS.—

Dum vir, dum Pater Joseph orat uxorem et natum velut imperium reputatur.—*Ger*—Divinus Joseph habet magnam jurisdictionem ad impetrandum gratias suis devotis.—*Ber. de B.*—Joseph exemplum prælatorum Ecclesiae.—*Alb. M.*—Quisnam vir animæ est? Plane vir Mariæ Josephus.—*Paul. de P.*—Sume igitur Domine, peculiarem tuum protectorem, amicum bonum, intercessorem potentem Sanctum

Joseph.—*Ger.*—Nota quod invenitur cum Maria Virgine et Joseph.—*Bon.*—Qui pascitur inter lilia: vere ambo lilia pro virginalibus nuptiis et cohabitatione castissima fuerunt Maria et Joseph.—*Rup.*—Quærendus est Jesus socialiter cum Maria et Joseph.—*Beda.*—Ad laudandum Sanctum Josephum omnia membra nostra in linguas convertenda essent.—*Thom. de T.*—Fidelissimus promotor salutis meæ. O ingue nutrimentum spei meæ.—*Thom. á J.*

Nos hæc sublimia, &c.

R. Deo gratias.

R. Facile colligitur divinum Josephum supremam ac incomparabilem dignitatem habuisse.\*Ex eo solum quod. ¶ Christus Dominus et ejus Deipara Virgo Sanctissima, ei jure subditi fuerint. Ex. . . .

LECTIO II.

*De excellentia nominis Josephi.*

Ratio, quæ significat nomen, est definitio, quæ designat, propriam rei naturam; et clarius cum D. Thoma sic ajemus; Nomina debent proprietatibus rerum respondere, et hac de causa nomina sapienter imposita, qualia saepe sanctorum sunt ex Dei dispositione eorum virtutes nobis indicant et excellentiam. Nomen Joseph significat augmentum, id est, additio Dei, et interpretatur juxta Cyrillum Alexandrinum, nomen excellentissimum ratione similitudinis cum Jesu et Maria, quia sicut eorum nomina quinque constant litteris, in quo numero quinario maxima est similitudo in ordine ad Scripturam libri vitæ gloriosæ atque in ordine Sacrae Familiae; omnes namque scripserunt Christum Dominum, quinque suis vulneribus repræsentatis in quinque limpidissimis lapidibus quibus David occidit Goliath, vicisse



dæmones ad omnes homines redimendos. Hoc nomen Josephi impositum id eo fuit Sanctissimo Mariae conjugii ut significaret tum immensam suarum virtutum perfectionem tum augmentum gloriae ipsius super omnes cœli et terrae creaturas. Vere de S. Josepho dici potest ejus laudem esse in Evangelio quia cum memorat S. Joseph gloriam, ipsius nomen tredecim. repetit, nempe in Matheo septies, quinque in Luca et Semel in S. Joanne, sed hoc aperte demonstrat nomen Josephi ipsius laudem et gloriam augeri in Evangelio a Spiritu Sancto redacto.

Nos hæc sublimia, &c.

R. Deo gratias.

R. Ut justus apud Deum demonstratur Joseph, cujus laus est in Evangelio.\* Ut notus hominibus intelligatur ut vere virginalis Pater Dei. Ut nomen Joseph dignum in memoriam hominum vertatur, quod in Patrem Dei assumitur. Ut notus....

### LECTIO III.

*De adoratione qua adorandus sit noster immaculatus Joseph.*

Adoratio est testificatio alienae excellentiae et opinionis quam de aliquo subjecto habemus, conjuncta cum protestatione nostrae erga illum subjectionis et alicuius utilitatis aut dominii super nos. Si adoratio datur alicui subjecto propter divinam, quae inest illi excellentia vocatur latria et soli debetur Deo; si autem datur propter excellentiam creatam, quae magis accedit ad divinam, appellatur Hyperdulia, quae B. Virgini debetur; et quoniam in nostro immaculato Josepho invenitur excellentia aliis omnibus sanctis revera superior, concludi sane possumus nostrum immaculatum Josephum hono-

randum esse sumae dulciae, cultu, scilicet in altiori gradu respecto aliorum sanctorum, vel ut melius dicam, illi debetur hyperdulia minor juxta sententiam S. Matris Ecclesiae dicentis; S. Maria, ora pro nobis; S. Joseph, ora pro nobis; Almi parentes Christi, orate pro nobis. Haec quidem sententia inferri potest ex Joanne Echio, dicenti; Usque adeo mutua illa Josephi cum Domino Jesu et Virgine Maria conversatio immensam ejus arguit sanctimoniam et dignitatem; unde sperare liqueat quod quidque Filium suum rogaverit Joseph vel etiam conjugem dilectissimam Mariam, ejus rei repulsam passurus sit numquam. Isolanus ait etiam; Mortalium inter patronos apud Deum arbitror D. Joseph esse efficaciorum ac post Mariam praestantiorum.

Nos hæc sublimia, &c.

R. Deo gratias.

R. Ut nostra ad coelos ascendat oratio optima secula est.\* A Joseph ad Mariam; a Maria ad Jesum a Jesu ad Patrem. ¶ Vis patrocinii nostri Joseph magna est cum non petit rogans sed quodammodo imperans in petitionibus suis. A Joseph....

—DIA 19 DE MAYO.—

### LECTIO I.

—EX DOCTORIBUS.—

Salvatorem nostrum Dominum Jesum Christum, singulas per ætates ad annos usque triginta, conversatum inter homines fuisse quasi hominem purum. Joseph lignaria laborantem in arte, verbis solabatur divinis, humili obsequio ac hilaris faciei claritudine. O quoties laboranti Josepho Jesus dicebat: O mi

Piissima.

33



Pater amantissime his ego laboribus æterna præmia feram! Cui Joseph: O Fili! o Deus Altissime! labores hi numquid non satis superque præmia accipiunt, solius tuæ locutionis jucunditate? Tua neque vox nimium mihi suavis est; tua eloquia dulciora super mel et favum. O si liceret tuæ magestatis pulchritudinem ac divinitatem, notam hominibus efficere, templa tibi, arasque dicari satagerem.—*Isid. I.*

Nos hæc sublimia, &c.

R Deo gratias.

R Abi in pace sacratissime Joseph. \*Et placa Dominum nostrum Jesum Christum pro misero figmento ex filiis tuis. † Et universum nostrum Institutum se continet ut commune propitiatorium. Et. . . .

#### LECTIO II.

*S. Joseph adorandus est adoratione summæ dulciæ.*

Conclusio hæc in honorem nostri immaculati Josephi habetur in sapientissimo Cornelio a Lapide sic dicenti; Una in terris dignissima, immo cœlestis et divina erat familia, in qua paterfamilias ideoque præses et rector erat Joseph, materfamilias B. Virgo, Filius vero Christus. In hac igitur sunt tres summæ et excellentissimæ totius orbis personæ. Prima Christus utpote Deus et homo, secunda Virgo Deipara Christo coniunctissima, quasi mater naturalis, tertia Joseph, quasi pater Christi matrimonialis. Hac de causa Christo debetur cultus patriæ, B. Virgini hyperdulciæ, Josepho autem summæ dulciæ. Ulterius, adoratio dulciæ debita sanctis habet pro causa excellentiam participationis divinæ naturæ, per gratiam habitualement, ergo sanctus ille in quo hæc participatio est summa respectu aliorum sanctorum summa dulcia est adorandus, et quia in nostro immaculato

Josepho hæc participatio est summa, tum propter maiorem cum Deo unionem, tum quia summe excedit alios sanctos sanctitate, ergo revera adorandus est summa dulcia. Joseph Patriarcha et typus S. Josephi de se dicit; Vidi per somnium quasi solem et lunam et stellas undecim adorare me; et quia Christus est sol iuxta illud, orietur vobis sol iustitiæ; luna est Maria, quia de illa dictum est, pulchra ut luna, et quia inter omnes sanctos et angelos solus noster immaculatus Joseph honoratur a Christo, tamquam Pater, et a Maria ut Sponsus, et sanctorum principes eum adorant ut regem, adorandus erit profecto summa dulcia vel melius minori hyperdulcia, quia rex regum illum publice honoravit suum Patrem appellans, et seipsum illius subditum constituens; ergo summa illum veneratione prosequi debemus.

Nos hæc sublimia, &c.

R Deo gratias.

R Omnes fideles genuflectere debent coram nostro immaculato Josepho \*Maria adorabat eum ut suum Sponsum dilectum. † Ipsemet Jesus genu aliquando ut filius humillimus patri flectabat. Maria. . . .

#### LECTIO III.

*Noster immaculatus Joseph est protector universalis Ecclesiæ.*

Patrocinium nostri immaculati Josephi est adeo potens atque universale ut ad omnes Ecclesiæ status cunctasque necessitates extendatur, tum quia doctores ecclesiastici in eo conveniunt dicentes; Mariæ Sponsus Joseph quoniam excellentissimis virtutibus abundavit omnibus ordinibus ad bene beateque vivendum proponatur, tum etiam quia nostra Mater



Ecclesia sic definiuit quum se totam sub eius potentissimo patrocinio collocavit. Ille est patronus apostolicorum concionatorum, nam quum Christum manibus portavit, adventum promissi Messiae annuntiavit, et verbo etiam Ægyptiis et iudaeis pluries praedicavit. Est patronus monachorum, qui in activa et contemplativa vita Deo serviunt, quia si indubitabile est illum fuisse iustum in omnibus eius operibus, sic etiam nemini sanæ mentis dubium est quia ille una cum B. Virgine surrexit media nocte ad Christum adorandum religiosaeque vacandum conversationi. Est etiam patronus magistrorum pueros veritatis viam edocentium, quoniam ipse fuit custos et nutritus pueri Jesu. Est quoque patronus virginum et honestarum mulierum ut qui Mariae Virginis pudicitiae adeo consuluit. Est patronus omnium egentium quia ab angelo ei dictum est ut acciperet puerum et Matrem eius. Est patronus in extremis vitae luctantium, ut multis constat exemplis, et quia vitam in manibus Jesu et Mariae tradidit creatori. Est patronus coniugum, iter agentium, et demum singularis protector universalis Ecclesiae, quia omnia eius patrocinio a Deo feliciter obtinentur.

Nos hæc sublimia, &c.

R. Deo gratias.

R. B. Theresia magna colebat devotione B. Joseph. \*Eandem omnibus commendabat, asserens se per intercessionem S. Josephi. ¶ Multa et magna, immo et omnia quae habebat a Deo impetrasse. Eandem omnibus....

## LECTIO I.

—EX DOCTORIBUS.—

Reversus Dominus de Ægypto, cum parentibus suis in civitatem Nazareth erat subjectus et habitabat ibidem cum eis, abinde usque ad principium trigessimi anni. Nec in Scripturis reperitur, quod in toto isto tempore aliquid fecerit, quod mirabile videtur valde. Quid ergo meditatur eum fecisse? Etiam nihil faciendo fecit magnifica; qui subtrahat se a consortio et conversatione hominum; ibat ad synagogam, et stabat ibi in loco meliori et secretiori se ponens, redibat domum, stabat cum Matre, et suo nutritio, pertransibat eundo, et redeundo inter homines ac si non videret homines. Felix Joseph quærebat victum lignaminis. — *Bonav.*

Nos hæc sublimia, &c.

R. Deo gratias.

R. Certissimum est veram et piam erga Josephum devotionem. \*Signum esse vitæ spiritualis in nobis. ¶ Sicut respiratio vitam indicat corporalem. Signum esse....

## LECTIO II

*O bone Joseph, fecit tibi magna qui potens est.*

Quid enim de te amplius eloqui potest homo clinquis cum tibi fecerit adeo magna, qui potens est? O quam magna, quam mirabilis res! Vinculum matrimonii virginitati, ut inaudito ad ea tempora exemplo unum in modo cogerentur maritus et virgo. Mira res! Tuis in manibus florea virgo, scilicet, Maria affloruit; quid enim virgineis in manibus, nisi flores, nascerentur! Mirabilis res! Uxorem non cognovisti.



et natus est tibi Deus, neque enim aliter Pater Dei effici poterat quam uxorem ignorando. Quam concinne, quam pulchre te jam pridem Antistes Hippo- nensis alocquitur; Gaude Joseph, nimiumque congaude Virginitati Mariæ, qui solus meruisti virginalem affectum possidere conjugis quia per merita virginitatis ita separatus es a concubitu uxoris, ut Pater diceris Salvatoris. Mira res! Te bonum ac fidelem servum constituit Deus super familiam suam, ut a conditione servi ad caput, et Dominum Dominæ cœlorum surrexisti. Ille cui dictum est ut esset custos de nocte? Atque adeo nomen Samaritanus adeptus in tuum ex utero Matris custodiam traductus es, ut sic vel ipsius esses custos custodis. Mira etiam res! Cum altissima nobilitate effulgeres, regis clarus natalibus, factus es lignarius faber, sed quia Filius tuus regnaturus erat a ligno. De lapsus fuit a cœlo Deus ut quinque vulneribus universum redimeret. Mira demum res! tu in Ægyptum ab Herode fugiens ipsum et verum salvasti salvatorem.

Nos hæc sublimia, &c.

R Deo gratias.

R Mira res! Tu in terra fuisti Præses summi regalis concilii, tu dux custodiæ æterni regis, tu Præfectus mensæ Jesu et Mariæ. \*Tu regis sacri palatii Magister, tu custodiens Purissimam Mariam, tu regis ac reginæ cœli et terræ cubicularius. † Tu deferens semper clavem auream ad cor Jesu et Mariæ semper ingrediendum et egrediendum. Tu regis....

### LECTIO III.

*Ætas Josephi et Mariæ quando matrimonium*

*—contraxerunt.—*

Matrimonium inter Josephum et Mariam fuisse a

Deo præcipue ordinatum certissimum est, et iuxta aliquos auctores, sicut Virgo Maria despositionis tempore quatuordecim vigeat annis, sic etiam noster Virgo Joseph veram habebat inventutem et iuxta aliquos triginta et trium annorum vigeat ætate, iuxta illud; Joseph virum Mariæ; Joseph vir eius quum esset iustus; Missus est angelus Gabriel a Deo ad Virginem desponsatam viro, inquit Evangelista; ergo B. Joseph fuit vir, id est, iuvenis et nequaquam senex. Probatum etiam ex auctoritate Isaiaë dicentis; Habitavit iuvenis cum Virgine et gaudebit Sponsus super Sponsam, id est, habitavit iuvenis Joseph cum Virgine Maria caste, sancte et virginaliter viventes; et quemadmodum inter Virgines servata fuit debita convenientia in sanguinis nobilitate, virtute et sanctitate, sic etiam in ætate esse debuit. Oportuit igitur ut Joseph esset in ætate ad generandum idonea ut Virginis bonum nomen illaesum servaret, ut tot labores, tot peregrinationes perferre posset; et quoniam in illo Joseph Patriarcha figuratus est Sanctissimus noster Joseph, ideo iuvenis, formosus, pulcher et decorus esse debuit.

Nos hæc sublimia, &c.

R Deo gratias.

R Habitabit iuvenis cum Virgine,\*et gaudebit Sponsus super Sponsam. † Habitabit Virgo Joseph cum Virgine Maria. Et gaudebit....

### —DIA 21 DE MAYO.—

### LECTIO I.

—EX DOCTORIBUS.—

Conversatio Sancti Joseph pluribus titulis irradiavit cœlestibus; fuit enim moralis, pia, religiosa



virginea, angelica ac divina. Sanctus enim Joseph Pater Salvatoris, non minori excellentia inter judeos et gentiles propria oriundos civitate, observator fuit paternæ legis divinæ ac in Ægypto viam Domini exul non dereliquit. Factus Pater Filii Dei. Sponsusque Reginæ mundi, prudentiæ viam, sollicitudine majori amplexus est. Justus vero, Dei testimonio, Sanctus Joseph comprobatur; justitia enim Josephi in Noe Justo figurata fuit. Ipse enim sua promeruit justitia, ut Virgini beatissimæ, in arca Noe præfiguratæ Sponsus et caput esse meruerit.—*Isid. I.*

Nos hæc sublimia, &c.

R. Deo gratias.

R. Quemadmodum corpus nostrus vitalis signum habet operationis.\*Ita etiam sanctissimum tuum nomen, o Joseph invocatum. Non solum lætitiæ et auxilii est signum, sed etiam salvationis æternæ. Ita etiam....

#### LECTIO II.

*Quid de Deipara Mariæ et Josepho dicere*

—*possimus.*—

Post illa verba; Almi parentes Christi, orate pro nobis, revera de illis dicere possumus; Deiparam Virginem fuisse a sua conceptione immaculatam, sic etiam Sanctissimum Josephum; Mariæ infuisse rationis usum ad spiritualia et divina, sic etiam contigisse nostro immaculato Josepho; Deiparam Virginem a conceptione fuisse gratia plenam, et sanctissimum Joseph fuisse quasi gratia plenum; Deiparam semper fuisse mare gratiarum sanctorum omnium, et pene ipsum fuisse Sanctissimum Josephum, ita ut præter hos unicos nulla invenire potest perfecta creatura; Deiparam in omnibus eius actibus fuisse a Spiritu

Sancto directam præstantiori, quam alii sancti et sublimiori modo; sic etiam Beatissimum Josephum. Unde B. Virgo integre respondit omnibus motionibus, gratia sibi a Deo concessis; et etiam S. Joseph. Nihil unquam elegit Maria, nisi divina sapientia ei patratum fuisset, et tantummodo semper dilexit Deum, quantum a se diligendum existimavit; quod etiam fecit S. Joseph. In Virgine nihil, non tenebrosum dico, ne obscurum saltem, vel minime lucidum aut non perfectissimum licet suspicari, et etiam in Sanctissimo Josepho. Denique tum Deipara, tum eius Sponsus Joseph semper impleverunt in hac vita omni ex parte præceptum illud; Diliges Dominum Deum tuum semper et pro semper ex toto corde, mente et anima.

Nos hæc sublimia, &c.

R. Deo gratias.

R. B. Virgo semper operabatur secundum mensuram divinæ gratiæ.\*Et etiam noster Sanctissimus Joseph. Almi parentes Christi, orate pro nobis. Et etiam....

#### LECTIO III.

*De summa perfectione nostri immaculati Josephi.*

Jesus Christus Dominus noster fuit essentialiter sanctus sanctorum; Deipara Virgo Maria fuit per gratiam ac privilegium sancta sanctorum et noster Joseph fuit etiam sanctissimus ut Sponsus adæquatus B. Virgini et virginis Pater Jesu. Hac de causa noster Sanctissimus Joseph semper perfectissime respondit divina gratiæ, et quo poterat juxta mensuram huius gratiæ eo magis cooperatus est, quia quidquid perfectionis in genere gratiæ sanctificantis alicui puræ creaturæ concessum est, non quidem



nostro Josepho erit denegandum, et quoniam haec gratiae perfectio in primis angelis data est, ergo maxime debita erat nostro Josepho, qui ad maiorem, quam angelici chori, gloriam destinatus erat. Et sic omnibus aliis sanctis praestantissime dicere poterat. Dominus aperuit mihi aurem, ego autem non contradico; et illud: venit in me princeps huius mundi et in me non habet quidquam; et illud Joannis; Ego, quae placita sunt ei, facio semper; et perpetuo adimplevit illud Pauli; Quaecumque sunt vera, quaecumque pudica, quaecumque iusta, quaecumque sancta, quaecumque amabilia, quaecumque bonae famae, si qua virtus, si qua laus disciplinae, haec cogitate.

Nos haec sublimia, &c.

R Deo gratias.

R Reliqui etiam magni sancti, aut in mortali dormierunt, aut in veniali dormitaverunt. \*Solus Joseph cum Maria in divina gratia semper vigilaverunt. ¶ Et ambo etiam sine labe originali concepti. Solus Joseph....

—DIA 22 DE MAYO.—

LECTIO I.

—EX DOCTORIBUS.—

Joseph, signum foederis inter Deum et hominem, id est, Christum, oculos vidit et exultavit; diluvium humanum amplius non pertimescens.—*Isid. I.*—Piacenda est fuisse conversatio Sancti Joseph, omni aequae pietatis genere ornatissima.—*Isid. I.*—Quis dubitabit Joseph si forte in vicinis quidquam prodesse posset etiam malis non illis suffragia praestitisse? Habebat enim interiorem spiritum talia docentem; habebat beatissimam Virginem conjugem amantis-

simam, nullius ignaram rei; habebat denique Christum verum Deum misericordiae opera laudantes, suadentes sibi atque suffragantes.—*Isid. I.*—Cogitabat Joseph attentius, acutius, ac prudentius, ne in quoquam desset beatissimae Virgini ac Christo infanti; ideoque perficiebat sollicitus, gratius ac ferventius.—*Isid. I.*

Nos haec sublimia, &c.

R Deo gratias.

R Diligere nostrum Patrem Josephum in omne tempore, loco et modo, \*Signum pro nobis aeternae praedestinationis ad vitam aeternam. ¶ Quia Pater noster Joseph, Pater Dei est. Signum....

LECTIO II.

*Joseph semper habuit propositum virginitatis.*

Noster Sanctissimus Joseph a principio usus rationis semper habuit absolutum et primum propositum servandi perpetuam virginitatem, ideoque B. Joseph tribuendus est perfectissimus virginitatis et castitatis gradus, quia sic decebat Dei Patri et etiam universae Ecclesiae, in qua post Jesum et Mariam futurus erat maximum virginitatis exemplar. Ad hanc autem perfectionem pertinet perpetuum propositum servandae virginitatis, ergo nostro Josepho est omnino concedendum. Beatissimus Joseph a principio suae rationis usus motus semper a Spiritu Sancto fuit, ut, quod et gratius Deo esset, id amaret, et quantum posset illud perficeret; sed virginitas ex se melior est ac Deo gratior; quia semper Virgines quae Domini sunt cogitant, et se Deo omnino vovent et corpore et spiritu, neque cor habent divisum; ergo credendum est Josephum ex praedicta Spiritus Sancti motione semper hunc virginitatis statum amavisse



sibique colendum proposuisse. Sed dices quod beatissimus Virgo Joseph erat veluti in statu naturæ integræ tamquam immaculatus et consequenter poterat absque impedimento Spiritus et divisione cordis generationi carnali iucumbere; tamen hoc non obstat quoniam melius ei fuerit virginitatem servare, quia hoc ex se et ex obiecto suo melius est. Ergo B. Joseph semper habuit propositum suæ virginitatis perfectissime servandæ.

Nos hæc sublimia, &c.

R Deo gratias.

R Semper mortificationem Jesu, Mariæ et Joseph in corpore nostro circumferamus,\*ut et vita Jesu, Mariæ et Joseph manifestetur in corporibus nostris. ¶ Ut veniens princeps mundi huius in me non habeat quidquam contra castitatem. Ut et....

### LECTIO III.

*Joseph ante Christi incarnationem votum virginitatis emisit.*

Absolute, tum Dei genitrix, tum Joseph vir eius virginitatem voverunt antequam ab Angelo Incarnationis mysterium nuntiaretur, quod probatur satis ex responsione eiusdem Virginis Angelo facta in ipsa annuntiatione; Quomodo fiet istud, quoniam virum non cognosco? Eadem feræ responsio emissa fuit a nostro immaculato Josepho; Quomodo fiet istud, quoniam mulierem non cognosco? Quomodo sciat Dominus testis conscientiæ meæ servum suum vovisse ullam numquam cognoscere mulierem, qua lege, quo ordine placebit ei ut istud fiat? Si oportuerit votum frangere ad talem Filium generandum, et gaudeo propter propositum. O immobile virginitatis propositum, quod, neque angelo nuntiante Filium Dei,

Joseph aliquando reliquit. Quomodo igitur fiet istud, quoniam mulierem non cognosco, id est, mihi non licet aliquam cognoscere mulierem, nec proinde propositum est apud me. Ergo noster Joseph non solum propositum non cognoscendi mulierem habuit, sed etiam sese voto adstrinxit et impedivit, ut licite non posset illam cognoscere quia maxime opportunum se non cognoscere mulierem excepit, quod impossibile existimaret, semel Deo devota virginitate, se mulierem aliquando cogniturum. Hac de causa idem angelus ei dixit; Spiritus Sanctus superveniet in Sponsam tuam Mariam, et virtus Altissimi obumbravit illi, et quod nasceretur ex ea sanctum vocabitur Filius Dei.

Nos hæc sublimia, &c.

R Deo gratias.

R Nihil inquinatum in nostrum Josephum incurrit,\*candor est lucis æternæ et speculum sine macula. ¶ Est enim noster Virgo Joseph speciosior sole et luci comparatus invenitur purior. Candor est lucis....

### —DIA 23 DE MAYO.—

#### LECTIO I.

—EX DOCTORIBUS.—

In hac Trinitate Jesu, Maria et Joseph, Christus Patri, Maria Filio, Joseph Spiritui Sancto correspondent.—*Morales.*—Christus est fons, cui propinquius Maria et Joseph accedunt. Hæc Trinitas terrestri nostrum superat intellectum et encomiis laudatur.—*Morales.*—Christus et Maria domus Dei sunt; Joseph vero locus et superior. Joseph superior domus Domini et Christi locus.—*Morales.*—Propter Josephum